

六藝之一錄

百四九

欽定四庫全書

六藝之一錄卷三百五十

錢唐倪濤撰

歷朝書譜

宋

文天祥

文天祥字宋瑞又字履善吉之吉水人年二十舉進士理宗親拔為第一咸淳中除右丞相兼樞密使衛王立加少保信國公至元十九年死衣帶中有贊曰

孔曰成仁孟曰取義惟其義盡所以仁至讀聖賢書
所學何事而今而後庶幾無愧

宋史

文信國諸劄

嗚呼此文山先生真蹟也詳玩此書乃空坑之敗之
後遺其所知者之書蓋是時天阨甫脫勁敵在後流
離顛沛之際荒迷不次之秋也而其筆意乃雍容閒
雅無一毫驚懼荒迫之狀如此然非素存素養之熟
能如是乎毛氏幸得此書今讀其辭想其事令人心

膽奮揚精神凜冽有不勝其感激者焉因泣下而謂
夫後世之為人臣者其立心操行亦當何如邪一峰
文丞相途中三詩并簡

右已上詩八首宋丞相文信公之所作也公諱天祥
字履善廬陵人穆陵之丙辰狀元也遭宋末造間關
萬死卒以自獻使後聖有作安知不與三仁並稱淮
陰龔開嘗錄公大概而議其不當出使然公豈不知
自惜遣他官祈請特當是時國亡只在咫尺苟可以

存社稷保斯民雖死亦不暇顧又為計尋常瑣瑣禮儀哉八詩雖皆載公指南錄千載之下讀之輒使人流涕不休則其增夫三綱五常之重然後知詩之有裨益於世教者多矣淮南劉安於楚辭有曰推此志也雖與日月爭光可也嗚呼豈獨楚辭哉至順四年四月戊寅京口陳方拜書

右文信公遺墨前參知政事本齋王公所藏公歿已久家人理筐篋書尺叢積願是紙損爛將裂以拭卮

匡公之子季境適至識為信公書咄嗟驚異亟命裝池以完嗚呼豈非有神物守護之歟不然英靈之氣不泯而致之歟是詩之作念國家之覆敗痛骨肉之離絕其情切其辭哀使人至不忍讀然其竭孤忠於所事付一死於素定其志決其氣壯聞者為之興起可謂仁至而義盡矣先賢尺牘人尚皆藏棄之矧信公之精忠偉然震輝古今翰墨光芒垂示臣子者乎不惟王氏寶之百世而下固夫人之所同寶也史官

河東張翥書

公既變姓名詭蹤跡間闕萬死然後由揚子江入蘇州洋展轉四明天台以至於永嘉其瀕於死者一日夕之間不知其幾也方是時公於一死既已素定故能於一話一言之際從衡顛倒不失所謂忠與義嗚呼宋有天下幾四百祀其亡也仗節死義者多矣然皆不若公更萬死而不少屈至竟而後歸於一死妻妾子女在所鍾情故其辭為尤痛云遂昌鄭元祐拜

書

同上

文信公當國朝至元戊寅歲匡山事潰被拘北行此卷諸詩即是歲道中所作後五年為至元壬午遂執節以死嗚呼自古人臣遭國家喪亡能秉志不遷從容就義為天下後世所嚮屬未有甚於公者也觀此諸詩則知公之所以處死生之際者可謂審矣嗚呼百世之下讀其詩而有不為之感激流涕者尚為有人心也哉至正十年歲在庚寅五月甲子布衣金華

王禕謹書

同上

語有之嘻笑之忿甚於裂眚長歌之哀過於慟哭文
信公之忠肝義膽炳白當世正不在柴市忼慨就死
之日實在夫弟妹輸寫無聊之時其衷抱精神死別
痛苦固天壤之大不幸而為古今無敵之盛名要不
待後之人極口贊說予嘗怪戰國之士若侯嬴田光
輩自負竒節卒不過以一死為人為長技噫市井小
夫感恩酌利之際區區所謂泰山之重鴻毛之輕殆

無足言者以信公之慷慨於弟妹子女下至婢妾從容慰藉於垂死之際顧若辭禍而不可得者然後真能以義處死蓋蹈義難蹈白刃非難人獨鮮能知耳

吳下陳謙謹書

同上

予每讀公指南錄至其為母夫人小祥并懷弟妹妻妾子女諸詩未嘗不為之流涕太息也今於王君季境家獲觀公所作諸詩真蹟忠義之氣藹然於紙墨之間直與日月爭光予雖從浮圖學槁木死灰之人

亦不能不為之感動使章甫逢掖有國有家覽之當
何如哉當何如哉洪武十三年秋七月吳郡沙門道

衍同上

信國文公忠義志業炳著指南錄此真蹟詩歌八首
元季諸君子題贊備至然中可疑者陳方子貞云淮
陰龔開議公不當出使時國亡在咫尺焉計尋常禮
儀哉龔開者字聖與同陸秀夫君實在李庭芝祥甫
幕府國亡晦跡作信公及秀夫傳金華吳萊立夫稱

其志節孤峻議論高古二傳文類遷固竊考出使一事信公亦嘗自悔有詩曰老馬翻迷路羝羊竟觸藩是則子貞非獨不知聖與而亦弗考指南錄之詩也次則張翥仲舉元末任翰林承旨封潞國公逆臣博囉矯制令草詔力拒之曰臂可斷筆不能操國瀕亡憂憤而死次則王禕子充入國朝官至翰林待制洪武壬子持詔諭雲南梁王巴圖忼慨弗屈次年被害沒謚忠文次則陳謙子平夙尚孝弟篤學力行兄訓

任浙江省照磨謁告還吳適張士誠兵至謂謙曰汝
無官守宜自為計子平曰兄在吾何所之城陷兵入
脅訓不屈遂刃其胸子平奮前蔽兄因并遇害又其
次則鄭元祐明德元季名士官至儒學提舉而終嗚
呼忠義者人極賴之以立亘萬世弗泯也卷中題跋
者五而仲舉子充子平俱克捐生蹈義誠無愧信公
矣獨惜當時執國柄守封疆者多賣國生降苟存視
息未久漸滅甚則死於盜賊兵刃貽臭千古迨其後

裔聞信公事未有不以前人為愧也此卷出王積翁
子都中家今歸同邑陳符原錫嗚呼仲舉不云乎豈
獨王氏寶之百世之下固夫人之所同寶也嗚呼悽
矣信公死節後一百六十三年是為皇明正統九年

甲子歲海虞吳訥識

同上

文信公之死偉矣其危急流離之際亦惟其能以詩
發之故信公之有詩如屈原之有騷皆善明其死者
也錢公世恒以家藏三詩示予益出公親書以寄其

妹氏此又原之女嬖也乎其詩今載指南錄中而此則系以與其妻妾子女決絕之言嗚呼淚下如雨讀者猶然而西臺慟哭如公門下客者未必其涕之無從也吳寬

同上

文履善瑞陽帖

右宋丞相文信公劄子一幅益賀包公宏父遷官時書也其中言在瑞陽時嘗遣一介人往候先生者益公為刑部郎官上疏論董宋臣之惡不報將來裝出

關時相遣人謂其不可差知瑞州故公在瑞州與宏
父通問也其曰郡未一考被召除郎即丐香火以歸
不從反得鄉節者益公以癸亥為瑞州甲子十月召
赴行在除禮部郎十一月除江西提刑也其曰以先
人本生母之喪解印歸里者益公甲子為提刑乙丑
伯祖母梁夫人歿實公尊府本生母也其曰宏齋先
生嘗為鄉漕者益宏父嘗知隆興府兼江西轉運也
其曰先生當是時適在綠野者益宏父為刑部侍郎

知平江府以言事召赴闕辭改知紹興又辭疑是時
罷歸正在景定末年公解印時也其曰先生以新天
子蒲輪束帛之勤為時一出進長六卿典事樞者蓋
度宗初即位召宏父為刑部尚書簽書樞密院事封
南城縣侯故公賀以此書也其曰謗毀之餘賴君相
保全無大督過東禮書入深林溫理故讀自是浩然
方外之想者蓋是時臺臣黃萬石以公不職論罷之
公於是闢文山築居第為山水之遊故云然也反覆

觀之其忠正之氣凜然見於言辭之間俯仰慨慕之
餘若將見之况當時親炙之者能不感激發奮也歟
是書今建陽縣尹張君光啓所家藏者裝潢以示予
留玩數日敬書於後以歸之宣德六年秋七月望日

後學李時勉拜手敬書

珊瑚網

文信國小青口詩墨蹟

右宋文丞相信國公詩墨蹟一首其詩今見指南錄
中初公自奉使伯顏軍前被留得間亡真州浮海以

達行在後屯潮陽師潰被執自廣州傳至燕獄所至有
詩昔鍾儀幽而楚操莊舄病而越吟或者猶謂之仁
况公流離顛沛有感必發於詩詩必歸於忠義讀其
集未嘗不為之流涕也嗚呼可不謂仁乎此蓋公被
執北去將至桃源五十里而作文君徵明出以示余
余謂公之精忠大節焯焯天地間獨念公時在縲絏
動止當不自由其感慨不平之氣發之詩可也而字
畫精妙雖紙墨之微亦皆不苟何從容如是豈公之

賢能使蒙古待之以禮邪無亦公之所養有定力故
臨難如平時不少動於中邪然則公之大節不待柴
市而後知也觀於此詩亦可以知之矣今去公且三
百年片紙遺墨人傳寶之又况其後之人乎又况徵
明之賢不實其世者乎雖然忠義所在自當有神物

護持之

震澤集

文文山手帖

予嘗見文山公與黃伯正手帖云贛州大姓起義旅

相從者如歐陽冠侯等凡二十三家史多不載其名
今莫可考矣寧都陳蒲塘父子亦二十三家之一乃
因從子景茂請銘於公答書僅存而其氏名因藉以
弗泯不亦幸哉觀公興言夙昔為之哽涕之言則其
有感於蒲塘者深矣

宋學士集

文文山墨蹟

昔余在吳下曾見文山墨蹟凡十餘條中說空坑兵
敗之事較詳其後載徐妳孌孌流落之由與此本

相類其字畫日月亦相類時同觀者數人三讀歎歔
為之泣下余友殷近夫跋云使公少用於德祐之前
國尚可為使公不死於景炎之後身無所安時讀其
詞咸願為之執鞭不可得者初不暇論其真與贋也
今觀一峰之論豈此本得之毛氏者乃其真蹟而吳
下所見者誠所謂虞褚蘭亭邪於乎百世之士片文
隻字流落人間雖偽為者亦能使人興起其他可論

哉

鄭善夫
少谷集

文信國家書

文信國家書一紙具當時江西流離顛沛情事去宋
亡無幾何時矣蘭雖可焚香不可滅當與正氣詩作

注脚畫禪室
隨筆

陸秀夫

陸秀夫字君實鹽城人官至左丞相

陸君實羣玉帖

長孺三十二年前溫陵舟中與君實甫分悽然有惜

別意又明年二月死海上原員之節蓋有所不及君
實貌容無絕異於人氣冲語溫所立固如此北固郭
元德哀其尺牘若干紙為四卷今其家無有遺孤故
人念之至如此元德之視榮附瘁捐者有間哉長孺

題

式古堂書
畫彙考

士大夫預人國家事當以節義功名為本徒以區區
翰墨傳後抑末矣予曩在餘英沈正則處見洛水李
清卿一帖清江羅壽可處見文山文宋瑞一帖今於

京口郭元德處見此帖真成三絕忠義之氣奕奕浮
動紙上百世之下使人感憤錢唐仇遠頓首敬書

同上

謝枋得

謝枋得字君直信州弋陽人寶祐中舉進士德祐元

年以江東提刑江西招諭使知信州

宋史

元季存跋疊山帖云疊山先生筆力勁健去此且百

年方凜凜生氣

侯菴集

金應

金應者性少剛知義為文天祥職書司入京補承信

郎官路分天祥奉使被執左右皆散應獨無畔志

宋史

金應以筆札往來吾門二十年

文山集

姚勉

姚勉官校書郎文文山云龍泉縣太霄觀扁額校書

郎姚君勉筆也

文山集

趙孟堅

趙孟堅字子固號彛齋居士宋宗室也不樂仕進隱

居秀州之廣陳鎮從弟子昂自茗中來訪閉門不納
夫人勸之始令從後門入坐定第問弁山笠澤近來
佳否子昂云佳公曰弟奈山澤佳何子昂慚退便令

蒼頭濯其坐具

姚桐壽樂
郊私語

趙彛齋梅竹譜并詩卷

僕與子固交最蚤得子固詩章畫墨尤夥寶祐丙
辰子固與正翁校書法累數十紙僕把玩不釋手於
是篝燈摹搨一夕而竟厥明子固驚喜援筆成跋幾

二千言兵後所藏散失而二君亦已矣一日皇甫子
昌訪僕山陰袖出子固景定庚申所贈梅竹詩譜及
正翁跋語三復之餘如見顏色子昌實子固中表正
翁實僕內兄弟也見似人而喜於焉乃重為感慨云
後二十九年戊子仲夏汴陽錢應孫定之父書

式古堂書

畫景考

趙孟頫

趙孟頫字景魯廕補承務郎知臨安府仁和縣轉承

事郎授簽書高郵州判官宋歸於元宦情素薄不
 求仕進惟日以翰墨為娛書九經一過細字謹楷人
 傳以為玩喜與名僧遊書蓮花華嚴楞嚴圓覺金
 剛諸經皆數過明窗淨几焚香淪茗四時花草婆娑

愛賞欣然自得

松雪外集

李盞

李盞字仲和號竹山溧水人進士為無為軍節制官

工書法撰稽古韻及存古正字編

書史會要

牟益

牟益字德新晚年喜篆書深究古文嘗取詛楚石

鼓鍾鼎古文為辨證一編以糾釋文之誤

書史會要

趙必暉

趙必暉字伯暉號庸齋宗室也官至奏院中丞善隸

楷作續書譜辨妄以規姜夔之失

書史會要

曹士冕

曹士冕字端可號陶齋昌谷之後博參書法服膺

蘭亭

書史
會要

石熙明

石熙明摹刻蘭亭筆雖肥而意度亦有可取

屠隆
帖箋

曹之格

曹之格嘗模古帖刻石曰寶晉齋帖

書史
會要

王原父

王原父楷書秋水篇字稍大於尚書宣示帖筆法肥

渾精熟師蔡君謨但無君謨清氣後有元名人跋

寓
意

編

熊與酥

熊與酥字天樂豫章人性介澹無妻不食肉通經史

百氏之書布衣草屨遨遊名山尤嗜彈琴草書

杜本
谷音

楊小瑛

宣和貴人家有寫唐會要一軸係第七卷後題行官

楊小瑛書字畫頗佳

西溪
叢語

趙子澄字處度善草隸長歌詩紹興末官秣鄉

畫
繼

李昭 字晉傑 鄆城人 篆尤精 學三墳記 畫繼

孫勤川 趙子固論書云中興後朱巖壑橫斜顛倒幾

若楊少師孫勤川規矩恐下筆不中觀者 書法鈞元

葉間 號秋臺 金華人 草法類小王 勁潔可愛 何基北山文集

附錄

潘桂 字仲性 金華人 善隸 同上

余聖錫 號慎齋 金華人 善篆 同上

陳深 字子微 宋末吳人以字學知名 甫田集

鄭縕 字天和工篆

以下俱書史會要

葛剛正 工篆

杜良臣 豫章人學問該洽以小篆重一時筆法精妙

鄭昂 字尚明福州人善筆翰嘗撰書史二十五卷

戴侗 永嘉人能篆有所編六書故行於世

魏宋直 號穎峰山人書宗米芾

周頌 益公之後嘗倅洪其書清勁復工扁榜大字

冀上之 字冠卿西河人楷書師歐陽率更

姚現 姚現草書極似王逸老

單夔 官至侍從倣唐八分方勁有體師豫章

司馬括 字子開文正公之後寓居豫章長於隸亦善

行書

胡理 字德輝書學鍾繇

朱昌齡 朱昌齡書亦佳

張駒 陽羨人善楷書

葉鼎 字和仲號山澗古括人篆隸皆能書

袁垌 字季野豫章人學率更書亦道媚可愛

張鎰 字季萬北人居滁州善草書

祝次仲 字孝友太末人善草書

姚敦 字公儀江左人潛心篆學得前古遺意

鄭元秀 善隸書潛心篆學

邢疏 善篆

宋荼 字文芳錢塘人善書

杜茂修 善書

高彥 字止善梁溪人善書

陳希愈 字師韓善書

劉震孫 字長卿號朔齋中州人善大字尤有位置

張鎡重 字功夫號約齋字畫亦工
圖繪寶鑑

向子廓 周敦頤拙賦向子廓隸書
以下俱石刻

趙公碩 宋中興頌趙公碩書

何大奎 大智寺明月巢記何大奎書

張祿 海鹽修岳廟記張祿書

馬雲夫 崇明寺轉輪藏記馬雲夫書

韓彥端 富陽縣放生池記韓彥端撰并書

李昌國 湘山正路記李昌國書并篆

王次山 朱孝子墓亭記王次山書并題蓋

朱綬 鳳縣忠護侯廟碑朱綬書

季布 高座寺新公塔銘季布楷書

鄭知幾 德清縣重修孔子廟碑鄭知幾書

石起宗 祕書省汗青軒碑石起宗書

木待問 祕書省蓬壺碑木待問書

李處全 茅山凝神菴記李處全書

祝禹珪 湘山法堂記祝禹珪書

邵補之 休寧縣明倫堂記邵補之記并書

沈樞 修河漚記沈樞書

朱協極 朱子敬齋箴朱協極隸書

朱頡 朱子敬齋箴朱頡書在蘇州府學

范之柔 富陽縣主簿廳題名記范之柔書

王補之 惠寂院觀音記王補之書

張孝忠 湘山甲亭記張孝忠書

秦鑄 危和 方山定林寺碑秦鑄書危和篆額

朱拱臣 嘉定皇后受錄記朱拱臣書

趙與袞 崇德刻漏圖記趙與袞書

韓補 相山鐘樓記韓補書

樓淮 海頭謠碑樓淮書

蔡抗 致廣大十二大字蔡抗書在鎮江府學

潘繼先 金華福地四字郡人潘繼先書

趙希棐 長生東庫碑趙希棐書

趙稟 芟山石壁有長沙趙稟題字

周密 李篋房 施岳仲山誌周草牕題蓋李篋房書

李翔 霸王廟碑宋李翔作白字書

張東 李白鳳凰臺詩張東書

龔頴 玉帶河三大字秀山斗門四大字俱龔頴書

李慎由 同州凌虛堂三大字碑李慎由書

郝德新於潛縣儒學重修記郝德新書

潘容於潛縣儒學重修記潘容篆額

李伉鄆州州學新田記碑李伉隸書

張滌東嶽廟碑張滌書

龐仁顯清淨護命經龐仁顯書

張安祖石彥政吏隱堂記張安祖書

佚名

蘇殿丞

歐陽修與費縣蘇殿丞書云承惠篆碑滁陽山泉誠
為勝絕而率然之作文鄙意近乃煩僞筆以傳

歐陽文忠

集

陳隱居

蘇軾云陳公宓出其祖隱居先生之書相示學蔡君

謨之書如學龍伯高之為人

東坡集

夏御帶

曹勛跋夏御帶所書千文云太尉夏公以戚里肺腑

之貴躬翰墨冷淡之學敦詩閱禮博綜羣書心慕
手追備盡八法其於點畫之妙已凌跨昔賢意好不

倦日進未已也

松隱集

方校書

劉克莊飲方校書園詩云西舍鳴笳索賦詩東家拽

石靖書碑

後村集

卿師

陸游云本朝小楷至宋宣獻後僅有道士陳碧虛一

人今其里中前輩卿師所書則蕭散小不逮碧虛

而法度森嚴無愧者亦名筆也

渭南集

剪字吳道人

剪字吳道人剪李義山經年別遠公詩用青紙剪字

作米元章字體逼真

誠齋集

內臣

岑宗旦

內臣岑宗旦字子文開封人慶厯初以父遺表通籍

壁門年十七棄官遊東南山水間至和中仁祖錄功
臣之世復官之元豐初又以尋醫自請其作詩以意
為主不在鑄琢語言故若渾金璞玉見者知貴嘗賦
聽琴詩其略曰琴中太古意方外無為心彈之道頗
散不彈理彌深所以陶元亮何須弦上音其他皆類
此又嘗取古之善書者自漢迄唐凡十有一人為論
以評其書曰張芝如班輸構堂不可增減鍾繇如盛
德君子容貌若愚語其衆妙足以爭造化者羲之也

較其父風但恨乏天機者獻之也世南潛心義之益
若顏子之亞聖徐浩比肩儒雅有類仲由之勇態歐
陽詢得其正故如廟堂衣冠不失動靜柳公權得其
勁故如轅門列兵森然自衛懷素之閒逸故如翩翩
真仙真卿之淳謹故厚重如周勃至如李邕則舉動
不離規矩而有虧適變之道焉此皆其自得於心積
學於外而其吐論所以不愧古人者歟然宗且作字
尤善行書如銀鉤蠶尾脫去斌媚規模點畫當是蘇

舜欽之亞願筆力亦窮於此矣當時既有書名人亦
愛重字畫一出偶得之者爭相賈售治平中英宗嘗
遣使諭旨令書十扇以進宗旦即書十扇上之英宗
為之嘉賞平時廩賜雖厚而周給窮匱隨手散去優
游自適不復以生死窮達為念年逾七十神明不衰
及其委蛻裕如也今御府所藏行書四 太上道德
經 曉賦 書評 崔白江湖等詩

宣和
書譜

梁師成

宦者梁師成字守道稍知書法高自標榜以翰墨為

已任宋史

楊日言

內臣楊日言字詢直開封人工篆隸八分書史會要

王介

內臣王介字默菴能書書史會要

李舜舉

宦者李舜舉字公輔開封人熙寧中領文州刺史

轉嘉州團練使謚忠敏覽書傳能文辭工筆札
神宗嘗書李舜舉公忠奉上恭儉檢身始終惟
一以安以榮十九字賜之

宋史

高麗

洪璣

洪璣高麗人清燕閣記通奉大夫寶文閣學士右散
騎常侍上護軍唐城郡開國男食邑三百戶賜紫金
魚袋洪璣奉教書記稱寶文清燕二閣以奉宋帝御

製詔勅書畫

徐兢高麗圖經

洪瓘字無黨力學善書效新羅金生筆法

高麗史

李仁老

字眉叟能屬文善草隸

以下俱高麗史

金珣

字歸厚工隸書為密直副使

金方慶

字本然志學善書官至兵部尚書翰林學士

郭預

字先甲善屬文書法瘦勁成一家體

金暉

字用晦密直學士善隸書

李頴

博聞強記工草隸為翰林學士承旨

李崑 字古雲工隸書為左承旨

成石璘 字自修善書

史彥旼 聰悟過人善書畫為尚食奉御

六藝之一錄卷三百五十

欽定四庫全書

六藝之一錄卷三百五十一

錢唐倪濤撰

歷朝書譜

宋

仙真

鍾離先生

神仙鍾離先生名權不知何時人而間出接物自謂生於漢呂洞賓於先生執弟子禮有問答語及詩成集狀其貌者作偉岸丈夫或峩冠紺衣或虬髯蓬鬢

不冠巾而頂雙髻文身跣足頽然而立睥睨物表真是眼高四海而遊方之外者自稱天下都散漢又稱散人嘗草其為詩云得道高僧不易逢幾時歸去得相從其字畫飄然有凌雲之氣非凡筆也元祐七年七月亦錄詩四章贈王定國多論精勤志學長生金丹之事疊疊可讀終自論其書以謂學龍蛇之狀識者信其不誣今御府所藏草書一贈王定國詩

宣和

書譜

鍾離權字雲房咸通中呂巖遊長安酒肆見一羽士
書三絕句於壁因揖問姓氏曰予居終南鶴嶺可從
予行否巖因隨之俄頃已至取筆於洞中草書一十

六字

呂真人傳

呂洞賓

呂巖字洞賓河中永樂人少聰敏日記萬言號純陽
子咸通中舉進士第遊江州廬山以筋頭書劍詩於
壁初見若無字而墨蹟粲然透出壁後宋徽宗時自

稱昌虛中往來諸琳宮善草書作枯籐遊絲勢一舉

筆數千絡繹不斷人爭攜楮以請往往不與

呂真人傳

回先生過湖州東林沈氏飲醉以石榴皮書其家東

老菴之壁

東坡集

大梁景德寺峩眉院壁間有呂洞賓書數語字畫飛

動如翔鸞舞鳳非世間筆也

竹坡詩話

陳搏

陳搏字圖南亳州真源人服氣辟穀居華山雲臺觀

又止少華石室每寢處多百餘日不起太平興國中

來朝太宗待之甚厚賜號希夷先生

宋史

希夷先生字體雄偉不凡有古人法度

薛蕙考
功集

白玉蟾

白玉蟾號瓊瑄本姓葛名長庚大父有興福州閩清

縣人董教瓊州而生真人於瓊冒白姓遇泥丸真人

陳翠虛攜入羅浮遍遊名山善草書有龍翔鳳翥之

勢封紫清明道真人嘉定末詔徵赴闕對御稱旨命

館太乙宮一日不知所往

武夷山志

玉蟾生海南自號海瓊子蓬頭跣足一衲弊甚而神清氣爽喜飲酒不見其醉出言成章文不加點隨身無片紙落筆滿四方大字草書視之若龍蛇飛動兼

善篆隸

唐順之左編

武仙童

觀妙先生朱白英邂逅武仙童後先生於仁廟時應詔還山忽接仙童書殷勤誨諭其墨蹟因道君皇帝

搜羅天下奇異句容令索取以進斯本舊偶摹寫令

工刊石庶永其傳

武仙
童碑

道家

陳景元

道士陳景元字太虛號真靖自稱碧虛子建昌南城
縣人自幼喜讀書至老不倦凡道書皆手自校寫積
日窮年為之痴儂每著書十襲藏之有佳客至必發
函具鉛槧出客前以求點定其樂善不已又如此初

遊京師居醴泉觀衆請開講神考聞其名詔即其地
設普天大醮命撰青詞以進既奏稱善得旨賜對天
章閣遂得今師名又改章服累遷至右街副道錄已
卯乞歸廬山行李無他物百擔皆經史也所居以道
儒醫書各為齋館而區別之凡四方學者來從其遊
則隨所類齋館相與讐校於是人人得盡其學而所
藏號為完書所役二奴一曰黃精一曰枸杞馴而不
狡真有道者之所役也嘗與蔡卞論古今書法至歐

陽詢則曰世皆知其體方而莫知其筆圓卞頗服膺
生平不喜作草字惟欲正書大抵祖述王羲之樂毅
論黃庭經下逮歐陽詢法度寺碑故其於古人法度
粗已贍足當其啟手足之時年已七十沐浴更衣韻
語長嘯一聲正坐而逝其語云昔之委和今之蛻質
非化非生復吾真宅世乃悟其尸解今御府所
藏八 正書 高士傳 陶隱居傳 樂毅傳 相
鶴經 陳謔等墓誌 種玉故事行書 巖棲賦

試墨書等詩

宣和書譜

本朝小楷宋宣獻後僅陳碧虛一人

渭南集

碧虛子詩句字畫皆清婉可喜

朱子文集

道士陳景元書相鶴經

自秦易篆為佐隸至漢世去古未遠當時正隸體尚有篆籀意象厥後魏鍾元常及士季晉王世將逸少子敬作小楷法皆出於遷就漢隸運筆結體既圜勁淡雅字率扁而弗攜今傳世者若鍾書力命表尚書

宣示世將上晉元帝二表逸少曹娥帖大令洛神帖
雖經摹拓而古隸典刑具在至江左六朝若謝宣城
蕭挹輩雖不以書名世至其小楷若齊海陵王志開
善寺碑猶有鍾王遺範至陳隋間正書結字漸方唐
初猶爾獨歐陽率更虞永興易方為長以就姿媚後
人競效之遽不及二人遠甚而鍾王楷法彌遠矣隋
世善書者多其間丁道護者不今不古道媚有法今
觀碧虛子陳君小楷殊得道護筆勢亦可謂有意於

古者也按隋經籍志唐藝文志相鶴經皆一卷今完
 書軼矣特馬惣意林及李善注鮑照舞鶴賦鈔出大
 畧今此本是矣而流俗誤錄著王丞相集中且多舛
 午今本雖非全篇然比世傳他本最精善真可垂永
 云政和七年十月十一日於山陽袞華堂觀武陽黃

長睿書

東觀
餘論

張有

道士張有字謙中吳興人隱於黃冠善篆書法甚古

撰復古編行於世皆寫篆非畫篆陳晞章友直文勛
輩紫毫拽墨如朽如畫筆癡而無神張有寫篆法神
明意用到昔人波瀾處

書史
會要

饒節贈道士張謙中詩云道人髭鬚似民部平生篆
隸心獨苦世間筆墨一點無駸駸氣象追千古道人
得師在何許秦漢鼎彝周石鼓若嶧山碑若詛楚二
李而下初不數異時心醉不窺園依繩作直規作圓
一朝妙解古人意脫落尺度誠其天嗟君絕藝世無

敵勿示時流渠未識我亦當年好古人為之推席三

嘆息

倚松老人集

吳興道士張有自幼喜小篆年六十著復古編二卷

據說文以為証其點畫微轉側縱橫高下曲直毫髮

有差則形聲頓異自陽冰前後古人往往而失其精

且博如此

徐獻忠吳興掌故集

篆法自秦時李斯至宋吳興道士張有而止

研北雜志

謙中篆法甚古龜山先生嘗叙其所為書故其名尤

重

道園學
古錄

道士張有篆金剛經

謙中之篆自成一家近當跋復古編頗詳此蓋其真蹟也然坡公有與趙清獻公帖示表忠觀碑額可用張子野之孫有書之子野吳興人名先而此云追薦亡父張三先生何邪更當詳考其間以祖為但以轉為熙以薩為薛之類是終不欲書篆法之所無也

攻媿

集

司馬鍊師

司馬鍊師善大篆及楷

書史
會要

王易

道士王易號青牕故樞密王埜之孫初名進思官惠院號淳齋善書而好吟以避世立兄子為子使出贅復分田送其妻歸母家而自為道士

金華
遊錄

釋氏

釋夢英

釋夢英衡州人效十八體書尤工玉箸嘗至大梁太宗召之簾前易紫服去遊終南山當世名士如郭恕先陳希夷宋翰林白賈大參黃中之儔皆以詩稱述之師號宣義

墨池編

夢英千字文乾德三年夢英篆并古文題額夫子廟堂記唐程浩撰刊石在湖州臨安縣夢英重書妙高僧傳序陶穀撰夢英書郭忠恕篆額夢英書偏傍字源咸平六年元守全立王審亮勾當建

兪州山人夢

英公書正書第一篆次之分隸又次之

石墨 鎬華

釋夢英書夫子廟堂記

題跋已見

釋夢英書偏傍字源

題跋已見

釋夢英書千文

釋崇化

釋崇化開寶時人太廟街近城有古觀音寺開寶皇

后命孫德元畫西方淨土極奇古精妙僅存半壁僧

崇化大師為之贊書亦有法

癸辛 雜識

釋緣概

李觀答緣概師見示草書千字文詩云去年有使自
番陽手藉一函來我所發函乃是緣概書千字滿前
雲縷縷衆人飽食已用心欲噍伯英肥美處當時名
士嘉其能長序短篇聯繡組

盱江集

釋惟悟

釋惟悟景祐中人字法清緊道上

墨林快事

宋中書門下牒永興軍一通乃宋仁宗因范雍之改

地為學欲請九經書籍者當時眉陽僧惟悟正書上

石字畫道勁有歐陽率更遺法

左牘記

釋思聰

釋思聰字聞復錢塘人七歲善彈琴十二捨琴而學

書書既工十五捨書而學詩詩有奇語老師宿儒皆

敬愛之秦少游取楞嚴文殊語字之曰聞復

東坡集

釋意祖

釋意祖蜀人子由自河朔持蘭亭歸寶月大師惟簡

請其本令左綿僧意祖模刻於石

東坡集

釋希白

釋希白字寶月號慧照大師長沙人慶厯中嘗以淳

化閣帖模刻於潭之郡齋

書史會要

諤師

魏野送諤師赴王寺丞名寫碑詩云才高吐鳳欺黃

絹墨妙迴鸞命碧雲雙美便堪傳萬古羲之書法退

之文

鉅鹿東觀集

釋希賜

釋希賜英州人英州郡守何智甫疊石為橋東坡作

四言詩一首石刻不存今刻乃希賜所書也

容齋
三筆

釋若達

蘇東坡書若達所書經後云若達所書二經經為幾

品品為幾偈偈為幾句句為幾字字為幾畫其數無

量而此字畫平等若一無有高下輕重大小

東坡
集

釋道潛

釋道潛號參寥子錢塘人哲宗朝賜號妙總大師為

蘇眉山客唱和往還形於翰墨

參寥子集

參寥書謹嚴而疎蕩稱其為人

北磻文集

釋頴德秀

老坡與參寥帖云頴書柳鬼傳道婉而勁文賦尤老

成

北磻文集

釋慈賢

楊伯嵒藏林彥祥廬鴻草堂圖雲錦涼歌釋慈賢書

雲煙過
眼錄

釋淨曇

楊伯崑藏林彥祥盧鴻草堂圖十志詩其一則淨曇

書

全上

釋仲殊

楊伯崑藏林彥祥盧鴻草堂圖十志詩其九則仲殊

書

全上

釋言法華

言法華工書蘇軾嘗云僕書作意便髣髴似蔡君謨
得意便似楊風子更放則似言法華矣

書史
會要

數道人

數道人作字筆勢道勁可愛

山谷
集

政禪師

政禪師秦少游絕愛其書問其筆法政曰書心畫也
作意則不妙耳喜求兒童字觀其純氣少游見其功

臣山書歎為非積學所至

文字
禪

釋昭默

釋昭默書暮年精妙自臥疾後無他嗜好以翰墨為

能事

全上

釋瑛公

釋瑛公風骨清臞與南州名士游淡然無營獨杜門

手寫華嚴經精妙簡遠之韻出於顏柳

文字
禪

南禪師

黃龍南禪師手錄四十二章經筆法深穩莊重而瘦

得顏平原用筆意

文字
禪

釋克文

釋克文號雲菴閩鄉鄭氏子南禪師之的嗣禪師學
顏魯公最有工當時歸南公者無不學之然無出雲

菴之右者

同上

道人栖公

道人栖公書大方廣佛華嚴經於方冊中其輕妙可
以一掌置開編蠕蠕如行螳熟視之其橫斜曲直重

交反仄曲盡其妙不啻如擘窠大書

文字 禪

釋敏傳

釋敏傳能書筆楮不擇精粗飛翰如蠶食葉俄頃千

字橫斜布列擘窠碁畫

文字 禪

宗上人

宗上人東甌人書僧寶傳謹楷精嚴賢於率更遠甚

文字 禪

圓上人

圓上人臨川人書僧寶傳小字薄紙畫畫精誠

清河書書

舫

釋法暉

政和二年天寧節以細書經塔來上效封人祝萬歲

壽作正書如半芝麻粒寫佛書十部曰妙法蓮華經

曰楞嚴經曰維摩經曰圓覺經曰金剛經曰普賢行

法經曰大悲經曰佛頂尊勝經曰延壽經曰仁王護

國經自塔頂起以至跌座層級鱗鱗不差毫末說者

謂作此字時取竅密室正當下筆處容光一點明而不曜故至細可書復有瞭然眸子方辦茲事然其字累數百萬不容脫落而始終如一亦誠其心則有是

耶今御府所藏正書一細書經塔

宣和書譜

釋法具

釋法具字圓復紹興初詩僧也有月夜遊錢塘江詩

云小舟為我載月色白沙翠竹光相射後云白下金陵

陵四百年無此豪逸

攻媿集

法具能詩字體效王荆

公 容齋

三筆

釋處嚴

釋處嚴字伯威姓賈氏自號潛澗温州樂清人博學
詩文尤典重且工書有晉宋法嘗手書法華光明二
經以報母德又書華嚴經八十卷首末不懈字法益

工

王十朋梅
溪文集

釋溫日觀

釋溫日觀居葛嶺瑪瑙寺人但知其畫葡萄不知其

善書也世傳葡萄多質其真者枝葉鬚梗皆草書法

也列源集

溫日觀書心經

溫上人面目嚴冷人欲求一笑而不可得亦不肯輕
諂人遇其性所喜悅驩然自留得錢出戶即散施貧
者或多則袖携以訪失職賢士大夫而與之布袍葛
屨放浪嘯傲於西湖三竺間五十年吾觀其人視策
名貨利為何等物故其翰墨流落人間足堪把玩又

善以意寫葡萄遊戲遇物立成至有氣力者具紙素
邀之輒又一筆不與聞東昌程仲彬云時時過其家
傾懷盡興淋漓揮灑皆不求而作此卷心經乃其行
書尤為難得徐氏幸寶藏之

劉源集

峨眉道者

峨眉道者居大梁景德寺二十年沐浴端坐而逝書
長短句於堂側壁上絕高處云明月斜西風冷今夜
故人來不來教人立畫梧桐影字畫飛動如翔鸞舞

鳳非世間筆也

竹坡詩話

釋彥修

釋彥修草書亦自楊少師出十得其六七焉

墨林快事

釋彥修草書

自懷素以草書名唐後夢英以篆隸聞然草未嫻也
知解梁郡李丕緒所刻僧彥修書絕句二首乃其自
媿風塵思挾樊而出者詩僅成語然英公於搢紳一
語之獎即亟亟自述以誇人此詩於君之賜號賜院

視之若浼惟以自憫其勤苦其人之賢不肖何如也

字亦自楊少師出十得其六七焉然少師亦宋人標

榜之耳非定論也天啓乙丑九月十三日

玄牘
紀

釋省欽

釋省欽善八分書太宗召於殿上書數行得賜紫衣

小畜
集

釋正蒙

釋正蒙書得誠懸法

石墨
鐫華

釋懷賢

釋懷賢字潛道姓何氏温州永嘉人天禧二年受具戒時年四歲多才藝工於詩字畫有法賜號圓通大

師 淮海集

釋淨師

釋淨師住杭州臨平廣嚴院善草聖圓熟有法紹興初被召作草首書名花傾國兩相歡帝不悅賜罷今錢唐人家所收稱王逸老合作者皆其書也

書史會要

釋省言

趙岷云得心經序於報恩寺壁間唐南陽忠國師述

宋九華山僧省言書書全出伯施幾於亂真

石墨
鏤華

總持院老僧

總持院老僧年七十及從徐師川遊能寫字鼓琴

乾道

庚寅奏

事錄

山陰僧

山陰僧偽作王大令保母墓志韓侂胄以千緡市其

石 洞天
清錄

釋寂照

釋寂照號圓通大師日本僧不通華言習王右軍書

頗得其筆法章草特妙中土能書者亦鮮及紙墨尤

精景德三年入貢上召見賜紫衣束帛

楊文公
談苑

釋顥彬茂廬山人善王書

已下俱見皇宋事實類苑

釋夢貞闕右人善柳書

釋苑基浙東人善顏書多寫碑石印板皆不下前輩

釋惠崇

壽春人善王書

以下俱見書史會要

釋行寔

行寔嘗從吳興宋杞作篆

釋德止

號清谷善屬文尤工正書

釋省肇

廬山人工行書廬山多有所書碑刻

釋思齊

杭人書師柳公權有所書放生池碑在杭州

釋從密

字世疎長沙人以草聖為世所稱

釋仁濟

字澤翁姓童氏書師蘇軾

釋宗相

善詩章字學精博

釋了性 餘杭人精於醫而善草書

釋雲勝 宋譯三藏聖教序釋雲勝書已下俱見石刻

釋嗣端 藍田縣修夫子廟碑釋嗣端書

釋靜已 釋靜已書偈語碑在西安府學

釋善雋 普濟禪院碑釋善雋書

釋靜萬 慈雲寺詩釋靜萬書

釋仁欽 靈巖寺有仁欽篆書心經

釋和公 柳柳州曹溪大鑿禪師碑長老和公更書

釋懷則 攝山棲霞寺碑釋懷則集右軍書

釋惠曇 真空壇記知塔惠曇書

釋宗議 草堂寺舍利亭記釋宗議書

婦女

朱嚴妻

王禹偁贈朱嚴詩妻裝書卷停燈坐自注云嚴妻能

書小畜集

安國夫人崔氏

安國夫人崔氏

韓琦妻

善書札體法甚老殊無婦人氣

安陽

集

夏竦

夏竦妻楊氏工筆札

宋史夏竦傳

天水郡太君權氏

天水郡太君權氏善草隸書誦數經能畧通其說

臨川

集

郭氏

郭氏曾祖恕祖遵式父昭晦聰明孝謹能讀書史善

書畫選歸於皇從孫右監門衛將軍世單封武昌縣

君

歐陽文忠公集

和國夫人

和國夫人王氏宗室趙仲輓室能詩章善字畫

書史會要

史琰

史琰字炎玉州刺史張閭聘為冢子祺之配祺亦有

才倡和成集名曰和鳴作字用秃筆體法古勁

蜀中詩話

唐氏

唐氏能書梅堯臣泗州觀唐氏書詩云唐氏能書十
載間誰教精絕到紅裙百金買盡蒲葵扇不必更求

王右軍

宛陵集

章煎

章煎友直女工篆書傳其家學友直執筆自高壁直

落至地如引繩而煎亦能如其父

書史會要

徐清

徐清字靜之蓬萊女官也下西里王氏詩作謝體書

效黃魯直妍妙可喜

陳后山集

李清照

李清照號易安居士濟南人禮部員外郎格非女知

湖州趙明誠室

易安居士能書能畫而又能詞而尤長於文藻迄今
學士每讀金石錄序頓令心神開爽何物老嫗生此

寧馨大奇

才婦錄

李易安一剪梅詞

易安詞藁一紙乃清閨閣故物也筆勢清真可愛此詞漱玉集中亦載所謂離別曲者邪卷尾畧無題識僅有點定兩字耳

書畫
舫

慶國夫人邢氏

余與天台謝傑景英為忘年交謝趙出也為余言外氏丞相家法甚悉今見邢氏趙夫人手書戒婦子一紙往往與景英語合邢尚書趙丞相事具國史至其

故家典刑要自令人起敬

止齋集

徐夫人

徐氏諱蘊行自號悟空道人臨川蔡教授誦之母學

虞書得楷法

誠齋集

蔡子羽母徐氏三衢人宣和間刑部侍郎諱敷言之

女潛心內典學虞世南書嘗手寫華嚴經梁武懺皆

終部帙

平園集

蔡同年之母徐夫人手寫佛經九十五卷得唐人筆

法字畫亦細楷

止齋集

趙夫人

趙夫人廣州鈐轄俞似妻英州之北三十里有金山寺法堂後壁題兩絕句廣州鈐轄俞似妻趙夫人所書詩句灑落不凡而字畫徑四寸道健類薛稷極可喜

容齋集

張氏

張氏蜀之故家漢御史綱之後通判宋若水之妻也

性賢孝讀書史善筆札通古今識義理而不肯為辭

章其方直之操士大夫或有愧焉

朱子文集

游氏

建安郡夫人游氏贈光祿大夫黃崇妻而子則端明

殿學士中也建安建陽人幼受班昭女訓通大義至

他組紉筆札之藝皆不待刻意而能輒過人

朱子文集

謝夫人

謝夫人譚文初妻潁川汝陰人居家雞晨以興家之

事無不遍視舍此則讀書觀古文書畫二事皆精鄭俠

西塘

集

楊氏

寧宗皇后妹時稱楊妹子書法類寧宗馬遠畫多其

所題

書史
會要

方氏

方氏桐廬人陳暉經畧子婦臨蘭亭并自作草書極

可觀

畫
繼

吳氏三一娘

樓鑰云今玉篇惟越本最善末題云會稽吳氏三一

娘寫問之越人無能知者楷法殊精

攻媿集

朝雲

朝雲

東坡侍妾

始不識字晚忽學書麤有楷法從泗

上比丘尼義冲學佛亦畧聞大義

東坡集

翠翹

翠翹洪內翰侍妾字畫婉媚

書史會要

田田 錢錢

田田錢錢辛棄疾二妾也因其姓而名之皆善筆札

常代棄疾答尺牘

書史
會要

意真

意真劉光世侍兒嚴州烏石寺在高山之上有岳武

穆飛張循王俊劉太尉光世題名劉不能書令侍兒

意真代書姜堯章題詩云諸老凋零實可哀尚留名

字壓崔嵬劉郎可是疎文墨幾點臙脂浣綠苔

鶴林
玉露

王英英

王英英楚州官妓也學顏魯公書蔡襄教以筆法晚

年作大字甚佳

書史
會要

梅堯臣贈詩曰山陽女子大字書不學常流事梳洗
親傳筆法中郎孫妙畫蠶頭魯公體又觀王氏書詩
云先觀雍姬舞六么妍葩發艷春風搖舞罷英英書
大字玉指握管濃雲飄風馳雨驟起變怪文鯨畫飛

明珠跳

宛陵
集

楚珍

楚珍彭澤娼女草篆八分皆工

書史
會要

馬眇

馬眇徐州營妓也性惠麗蘇軾守徐日甚喜之能學

軾書得其髣髴軾嘗書黃樓賦未畢眇竊效書山川

開合四字軾見之大笑略為潤色不復易之今碑四

字乃眇筆也

書史
會要

陳湘

陳湘衡陽妓也歌舞出其類學書作小楷

山谷集

趙總憐

趙總憐能著碁寫字分茶彈琴

向子諲酒邊集

蘇氏

蘇氏建寧人淳祐間流落樂籍以蘇翠名能八分書

書史

會要

嚴蕊

嚴蕊字幼芳天台營妓也善琴奕書畫

書史會要

墨娥

墨娥姑臧太守張憲妓也嘗代憲書札

荻樓雜抄

丁夫人

丁氏洪慶善夫人賢而有文字畫勁麗

張綱華陽老人集

胡夫人

胡元功尚書之女黃由之夫人善筆札時作詩文亦可觀自號惠齋居士

長洲志

遼

耶律羅卜科

耶律羅卜科字信寧太祖之從姪也初太祖制契丹國字羅卜科以贊成功授林牙監修國史

遼史

耶律庶成

字喜隱小字陳六幼好學書過目不忘善遼漢文字於詩尤工重熙初補牌印郎君累遷樞密直學士初契丹醫人鮮知切脈審藥上命庶成譯方脈書行之自是人皆通習雖諸部族亦知醫事時入禁中參決

疑議有詩文行於世

遼史

圖魯卜

圖魯卜字鐸袞官至崇義軍節度使幼聰敏及製契

丹大字圖魯卜贊成為多

書史會要

鄭熙燕山雲居寺碑鄭熙書

以下俱石刻

釋德麟元祐唐寺碑釋德麟書

釋真延三教寺佛頂尊勝陀羅尼幢記釋真延書

釋肅回感化寺碑釋肅回書

卷之三十五十一

錢唐說書

錢唐

錢唐

不

錢唐

錢唐

六藝之一錄卷三百五十一

欽定四庫全書

六藝之一錄卷三百五十二

錢唐倪濤撰

歷朝書譜

式古齋書畫彙考目

宋

李宗諤

已見

李昌武銅魚詩帖行書

李建中

已見

李西臺千文卷

李西臺土母帖
披風帖
貴宅帖
賢郎帖

左右帖
齊古帖

林逋 已見

林和靖秋深帖
三君帖

林和靖詩卷

宋綬 已見

宋宣獻千文小楷書

石延年 已見

石曼卿古松詩大楷書

蘇舜欽 已見

蘇子美今春尺牘草書

蘇子美南浦詩帖草書

蘇滄浪留別王原叔古詩帖草書

陳洎 字亞之官至三司副使彭城人

陳亞之詩帖

葉清臣 已見

葉道卿近追大旆帖行楷書

范仲淹 已見

范文正公書伯夷頌并札卷小楷書

文正公道服贊帖
文正公與翰長帖

文正公許下帖
文正公與師魯二帖

文正公動止帖草書

范純仁 已見

范忠宣公日企軒馭帖行書

范純粹 已見

范德孺不見故人帖行書

張昇

字杲卿第進士官至參知政事樞密使封太師謚康節韓城人

張樞相滿江紅詞帖

沈遘

字文通第進士廷唱第一改第二官至翰林學士錢塘人

沈文通屯田君帖行書

劉敞 已見

劉原父書南華秋水篇楷書

錢公輔 已見

錢君倚別久問稀帖行書

歐陽修 已見

歐陽文忠公寄蘇子美詩卷

歐陽文忠公謝惠鼎銘盤記帖

蔡襄 已見

書帖二十一種俱見前

蘇氏一門真蹟冊

蘇老泉臨顧帖

蘇東坡作書帖

東坡京酒帖

東坡寶月帖

東坡啜茶帖

東坡令子帖

蘇頲濱雪甚帖

頲濱惠教帖

頲濱晴寒帖

頲濱文字帖

蘇伯達台卷帖

蘓叔黨試後四詩帖

唐弼杜氏自其魯大父四世與眉山三蘇游書帖

具存紹興癸丑中秋安中過惠州登白鶴峯拜東

坡象觀壁間所刻詩文則皆後人追書求公翰墨
已不可得後十二日邂逅唐弼於潮陽出此卷相
示一翁兩孺千載不沒之氣凜凜在目猶恨獨無
叔黨字畫方求類於舊門顧小坡之不在龍駒已
逝駿骨萬金亦可為歎息也中山王安中題

杜唐弼出眉山蘇公父子與其先書十一帖以示
予君懿於唐弼曾大父也明允友君懿而凡事之
道源以父任薄其官有子益堅踐世科道源優游

侍旁時過子舍孟堅官於黃子瞻適謫居道源
過之遊相好也孟堅金陵丁外艱子瞻赴英州阻
風石頭唐弼方少往見從容累日所為求哀挽者
子瞻接杜氏四世觀其書可以識其年晚與孟堅
江上帖筆勢欹傾而神氣橫溢蓋似其莫歲之文
然不數月而病且死矣唐弼材而賢是能世其家
者建炎己酉閏月庚辰魏郡吳开跋

老蘇先生書世罕見之今始獲觀筆法歐陽公云

蘇氏文章遂擅天下夫豈特其文哉翰墨為近世
第一矣杜君唐弼出以相示且請題其後己酉閏
八月三日長沙何行中東都趙子崧同閱於凌
江物不遷齋

右蘇氏一門真蹟東杜氏子孫四世者意筆高古
而老泉尤勝然皆駸駸乎登晉唐之席矣尾有王
安中吳玕趙子崧三跋余購之吳門舊家子但原
本十版止老泉東坡頽濱三人而無叔黨故王左

承履道有龍駒已逝駿骨萬金之歎茲余既得
叔黨詩牋且得伯達手簡亟命重裝合成一冊夫
以三世之遺墨越數百年之久而珠聯璧合於一
且豈非造物者為眉山巧作因緣也髮僧上振跋

蘇軾

已見

書帖四十九卷俱見前

蘇轍

已見

蘇子由車馬帖行書

蘇頲濱喜雪詩帖

蘇黃門再賦喜雪詩帖

二蘇諸帖

蘇東坡質翁帖

蘇子瞻南至帖

東坡寄米帖

蘇長公書陶靖節清晨叩門詩一首

蘇頲濱詩帖

兩蘇公帖平生多見之蓋真贋相半也從季所藏如淵明詩一紙雖擲棄瓦礫當自有神光發見乾

道七年十一月廿九日洪邁書

二蘇兄弟行如冰雪足以下照百世望如九鼎足以坐銷羣奸學士大夫得其片文隻字輒藏棄以為榮蓋非特取其華藻也質翁帖是中年書南至帖疑叔黨輩代作寄米帖淵明詩道媚秀傑晚年精妙蓋如此黃門嘗贊其兄云人言吾兄我曰吾師讀戴公詩便知斯言為實錄乾道乙酉五月一日東里周必大書

兩蘇公碎墨斷藁不自愛惜求者輒予往時士大夫多有之近歲有力者喜奪人所好藏書者至不敢示人趙從季所藏甚富何以能然蓋所謂廉者不求貪者不與能如是所以得久存也乾道乙酉冬至後二日廬溪王庭珪書

眉山二蘇先生文章氣節光曜典冊後世獲見其書翰如親侍焉安敢妄言以取不自量之譏乾道諸公墨蹟亦不易得况洪內翰周益公之確論藏

者寶惜之東平周泰識

黃庭堅 已見

書帖手簡真蹟三十七卷俱見

米芾 已見

書帖三十六卷俱見

蘇邁 已見

蘇伯達辱書愈勤帖行草書

蘇過 已見

蘇叔黨試後四時帖

米友仁

已見

米元暉動止持福帖草書

呂公弼

字實臣官至樞密使贈太尉謚惠穆壽州人

呂寶臣子安學問帖行書

韓琦

已見

韓魏公小懇帖 信宿帖

曾鞏

已見

曾子固局事多暇帖行楷書

曾布

已見

曾子宣被召帖

曾宰

已見

曾湘潭五十郎帖

曾肇

已見

曾子開奉別行復帖行書
曾子開造門帖行楷書

曾紆

已見

魯公卷草履帖草書

魯氏諸帖

魯子開五十郎帖

魯子開近踈帖

魯湘潭五十郎帖 闕款詩

魯子宣被召詩

魯子宣與宋親帖

味南豐先生右軍墨池記方勉學者進於道德何
暇後心字畫間者今觀此帖亦未嘗不善也新安
朱公因親親筆而極論先生之文蓋璧慶元初與

公同在史院暇日評本朝諸老之作公所推許視
今卷中語一同又為壁誦范貫之奏議集序不遺
一字時公春秋已高強記猶爾况其論說魁偉闡
明聖真蓋將與先生並傳於千載而未知其為先
後也染翰之工拙宜公所畧而獨有感於斯文視
先生墨池之意亦何以異哉嘉定元年四月眉山

李壁

南豐兄弟之文自成一家常得玩誦其翰墨及湘

潭帖今始見之道夫力學當世其家所勉之而已
時嘉定 子上已後二日吳郡衛涇書於臨川驛
舍

觀道夫寶藏先世手澤文獻所在班班可考茲孝
子慈孫之心也時嘉定元年孟夏甲子永嘉徐誼
敬書於豫章襟帶堂

陳后山謂向來一瓣香敬為曾南豐幼時讀是詩
暨讀先生元豐類藁其立言必止於仁義誠一代

之儒宗是知當時學者起慕起敬后山獨發之於
吟咏也先生手澤散佚族屬居多族孫道夫講書
撫其所有寶藏之惟謹合諸祖翰墨刊成大軸一
日過訪逮出以見示再拜敬觀家學之淵源端有
自來矣道夫之尊府艇齋先生早遊韓呂之門旋
謁名公大老琢磨講貫學成行尊曾不求於聞達
偉哉區區幸窺先哲之典型更識名門之文獻歛
衽為之三歎道夫篤志切問卓然自立於鄉曲咸

謂克世其家云嘉定辛巳五月上澣襄陽王某謹
書

頃年嘗見曲阜手澤於番陽彭尚書家後又兩見
文肅真帖然忘其處所矣若南豐與湘潭翰墨則
未之見也來撫訪跡故家於是識湘潭之孫濰而
因得盡窺其先世四君子典刑雖紙弊墨渝生意
眈然故在不謂衰莫潦倒猶有此一幸遇也敬書
以志喜 嘉定癸未夏浚儀趙汝談

予生平閱前輩翰墨不少獨湘潭南豐文肅文昭
手澤雖在鄉里乃未之見道夫魯兄一日出此軸
以相示見其書猶見其人焉歛衽讀之所得多矣
若夫四公之文章履行近世諸賢已自著語無所
容喙姑紀歲月以附卷尾嘉定甲申夏六月甲午
里人董居誼

荆公南豐皆以淡墨片紙荒率行草而人往往從
其後收之易世之後敬之如此此如歌破帽煨半

芋振衣迎客客主無語而意自消因思少年舉子
一門三第非四方所少功名富貴竟亦何足復道
惟人自有集列為三文大者見稱歐魯此大江以
西文山文水太平星聚諸賢福力左提右挈流風
餘澤不乏不衰是以此也而非一家之慶一人
之祿一書生之所能也此卷家乘在流落為多在
文獻為少蓋後又百八九年而徵宋猶有存焉

廬陵劉辰翁

文定公書如謝家子弟雖時偃蹇不端正自爽
壇有一種風氣文肅公書如高麗使人抗浪甚有
意氣文昭公書如玉環臃腫自是太平人物湘潭
公書如吳興小兒形雖未成而骨體甚雋見此衆
妙何其幸歟丁亥四月十八日陳黃裳觀

招子拜觀帖後內翰文昭公三書云五十郎者吾

六世祖司直公尊行也

公乃艇齋父諱
晦之字仲共

內翰乃司

直公之叔祖故作書以此稱之其帖末故云叔翁

批蓋三帖是家書耳先世未嘗附焉觀雁湖李公之跋則可見矣先君恐其遺散遂附於諸帖之後招子因參之家乘考其次第始得知焉乙亥冬隨侍先君辟地稠原至於駝山屢遭鋒刃之厄此帖此身甚於草芥殆幾於不保矣幸神其擁護與他書表裏佩在左右一旦遂為不失之物真可謂奪之虎口而得之龍頷也嗚呼經此一番大變故而所携畫為一空可為當日憾然此生尚存斯文未

喪猶可謂後來慶雖則神者相而亦莫非祖宗有
靈冥冥之中陰實相之也當是時如高大父艇齋
文安贊述及晦菴先生朱文公所與曾大父適軒
講書十七帖俱在囊中其所謂贊述者僅存一軸
而文公墨帖止存四五紙如此書則全壁依然青
氈再復至今為全書為我家故物於斯弗失矣招
子暇日重為緝理遂得以窺先代四祖染翰之畫
其心文安講書收拾之畫其力祖考二君珍藏之

盡其功流傳三百年間紙未弊而墨未渝也嗚呼
一經靖康之變再歷開慶之擾終更德祐之厄異
書竒文古篆名迹至於泯沒漸盡與之俱化者亦
不少而此帖巋然獨存尚傳千載曾不與之俱化
吁可怪也夫若使後人觀之聳然駭愕當撫卷而
三嘆也為之子孫者又安敢失墜而忘其祖宗付
託之意哉故子題其帖曰傳家之寶云歲在元默
敦牂季秋菊前一日八世孫招子再拜謹書於跋

尾

趙抃

已見

趙清獻山藥帖行楷書

孫甫

字之翰進士及第官至侍讀贈右諫議大夫許州人

孫之翰與德表帖

孫之翰虞候還帖行書

司馬光

已見

司馬溫公兩淮帖行書

司馬溫公史草并短啓附范忠宣手簡

溫公被命為通鑑給筆札辟僚屬其事至重其以
牘背起草可以見其儉字必端正可以見其誠比
事而書該以一二字可以見其博紙尾謝狀稿此
尋常之事亦出於手書可以見其遇事之不苟也
方公作此時豈料其為後世之傳由今傳之盛德
之蘊自然而形見蓋有不可勝言者敬慕不已謹
題卷末韓性

王安石

已見

王荆公書楞嚴經要旨正楷書

文彥博

已見

文潞公祠部帖

呂大防

已見

呂維仲私門帖行書

蒲宗孟

字傳正皇祐間進士官至尚書左丞蜀新井人

蒲傳正夏中蒲兵帖行楷書

唐垌

已見

唐林夫征局冗坐帖行書

韓絳 已見

韓子華承師詩帖行楷書

韓子華家滄帖

韓繹

韓繹瞻懷帖行書

韓縝 已見

韓玉汝欽聞帖行書

錢總 已見

錢總 已見

錢穆父跋先起居帖行書

錢穆父顏帖跋行書

王詵 已見

王晉卿頽昌湖上詩蝶戀花詞卷

李公麟 已見

李伯時孝經卷

方勺 字少翁號泊宅翁金華人

方少翁黃鶴引詞帖

秦觀 已見

秦少游書黃庭經小楷書

秦太虛書古詩十九首楷書

秦少游詩餘草藁卷行楷書 秦少游竹詩蹟

蔣之奇 已見

蔣頴叔辱書帖行草書 蔣頴叔北客帖行書

章惇 已見

章子厚會稽尊候帖行書

呂嘉問 字望之官至龍圖閣學士贈資政殿學士壽州人

呂望之蒙恩進職帖行書

林希

字子中嘉祐二年進士官至同知樞密院事長樂人

林子中奉見風範帖行書

王升

已見

王逸老杜門帖草書

劉正夫

已見

劉德初又啓帖行書

陳瓘

已見

陳瑩中仲冬嚴寒帖行書

陳暘

字晉之中紹聖元年制科官至禮部侍郎福州人

陳晉之詩帖行書

薛紹彭

已見

薛道祖雲頂山詩卷

薛翠微雜書四帖

薛道祖晴和帖

二像帖

隨事吟帖

薛道祖書世說新語楷書

薛翠微昨日帖草書

張舜民

已見

張芸叟姻期帖

陳師錫

字伯修熙寧九年進士蘇軾薦為校書郎官至殿中侍御史考功郎中贈直龍圖閣建陽人

陳伯修歲晏帖行書

邵毓

已見

邵仲恭到京帖行書

蔡卞

已見

蔡元度雪意帖草書

李之儀

已見

李瑞叔別紙帖行書

何臬

字文縝政和五年進士第一官至右僕射仙井人

何文縝即辰六月帖行書

趙令時

字德麟封安定郡王太祖五世孫

趙德麟蒙餉梨粟帖行書

薛尚功

已見

薛用敏摹鍾鼎彝器款識

李彭

字商老

李商老公關家兄帖行草書

釋法暉 已見

法暉細書經塔

女李易安 已見

李易安一剪梅詞

宋蔡蕪黃米四大家合卷

蔡君謨臨鍾元常薦季直表帖

蕪子瞻次韵王晉卿送梅花一首帖

黃魯直承諭帖

米元章獻汲相國帖

米元章啓觀使帖

余垂髫時即喜事翰墨年來所藏前代名蹟頗
富若宋之四大家則未之有也蒐羅廿年得彙此
冊誠為宇內第一大觀昔趙子固云性命可輕至
寶是保余於此帖亦云金華宋濂 延陵吳寬
觀記之

宋代法書名家濟濟冊中四公當時負望後代推

宗可為有傳人而有傳跡者也宋學士得彙其書
於一冊之中焚香靜對恍揖諸賢於一室之中與
之寤寐同堂也其樂何如耶即南面百城亦不與
易也東海張弼

宋名公翰墨合卷

蘇子瞻牡丹和韻詩帖

蘇子瞻官屬帖

蘇子瞻究海帖

蘇子由和子瞻詩帖

薛道祖昨日帖

米元章雞黍詩帖

郭祥卿山頭詩帖

楊補之咏鞋詞帖

陳晉之題節義夫人傳帖

吳傳朋行藝詩帖

宋賢十七劄子

宋公垂度支帖

葉道卿近遣帖

章子平承示帖

林子中前日帖

蔣穎叔遂往法濟帖

達七月帖

劉無言昨夕帖

煜久疎帖

葉石林人至帖

張天覺女夫帖

周美成前日帖

青谷德止彞途詩帖

林彥振承誨帖

韓良臣近間帖

吳傳芻門內帖

吳居父伏自帖

葉正則觀牡丹詩帖

右宋賢劄子十七帖皆一代名流鴻望魁壘英巨
之筆往歲客燕山嘗從朱忠禧公綠蔭亭中閱此
朱公好古家藏名蹟甚富每愛惜此冊以為劉公
一劄可當十部從事諸賢濯濯單言片翰並有風

致非近世雕蟲之士所能比肩忠禧化去未久圖書散落此冊為鬻畫人持至江南思重參軍見之悽惋遂出重貲購之命余題冊尾余與思重皆忠禧文酒之客覩此不勝人琴之感非徒以諸公手澤之故耳王穉登書

右有宋名賢十七札首名綬者宋宣獻公也名上有朱文印曰宋綬公垂公以楷名於宋今札亦是正書道勁有法清臣者葉學士道卿也蘓之長洲

人衡者章待制子也浦城人二公天聖嘉祐時人
希者林子中也閩人之奇者蔣穎叔也草法老勁
似王荆公遼者不知何人其札乃與穎叔者故次
於此燾者劉無言也行草出入蘇黃而風趣盎溢
山谷云今天假以年江左又出一薄紹之矣殆非
虛言夢得者葉石林也書法與停雲所刻正同商
英者張天覺也書與語皆不免俗透末後句者固
如是耶邦彥者周美成也攄者林彥振也二公書

俱類蔡元長豈氣類相似耶世忠者韓蘄王良臣也史稱目不知書晚忽有悟能作字工小詞此札與運使借錢者時尚在軍中或出佐史手正書有蕪長公風致說者吳傅芻也李清照金石錄後序云尚餘五七麓盜穴壁取去為吳說運使賤價得之即此也据者吳居父也行草逼肖米元章若不視其款未有不以為元章者適者水心居士葉正則也嘉王之立實發於公以與趙丞相議不合即

拂衣歸水心詩早已精嚴晚尤高古今詩亦淡泊
可喜書法蔡君謨而自具風骨中間名煜者為青
谷德止者不知何人書亦可觀此冊舊為朱忠禧
物後為談岳山參軍名志伊字思重者得之後又
轉入汪景辰家今年秋王越石舫中見之余極愛
劉無言吳居父葉水心三札遂易得之畧疏其人
於後愧疎陋未能徧考以竢世之博雅者崇禎甲
戌年九月閒止居士曹函光書

南宋

沈與求

已見

沈必先高秋氣爽帖行書

胡安國

已見

胡文定與信伯二帖 胡康侯稍疎奉問帖行書

呂頤浩

字元直第進士官至左右僕射贈太師謚忠穆先樂陵人徙齊州

呂元直台眷均福帖行書

李綱

已見

李伯紀近被詔書帖行書

岳飛 已見

岳武穆題池州翠光亭詩

劉光世

字平叔官至節度使封揚國公追贈廊王謚武僖保安軍人

劉平叔即辰秋思帖行書

尹焞 已見

尹和靖前月帖 易傳帖 虎邱帖 會稽帖

教益帖 兩收帖 久違帖 邢塔帖 主簿帖

貴眷帖

蕪庠

已見

蕪後湖詩翰帖

陳與義

已見

陳簡齋詩蹟

范潔

字景圭紹興間守光化軍後守鄂州劍浦人

范景圭一舟帖 春澤帖並行書

徐夢莘

字商老紹興廿四年進士官至知賓州擢直祕閣先開封人寓臨江

徐商老久不上訊帖行書

趙鼎

字元鎮崇寧五年進士官至左僕射贈太傅追封豐國公謚忠簡聞喜人

趙元鎮劄子楷書

韓世忠

已見

韓忠武二詞蹟 韓良臣秋暑尚煩帖行楷書

韓良臣高義帖行書

汪藻

已見

汪彥章違別滋久帖行書

汪龍溪誤食胡桃帖

蔣璨 已見

蔣宣卿詩帖行楷書

吳說 已見

吳傅朋三詩帖游絲書 吳傅朋叙慰帖行楷書

張九成 已見

張子韶宮祠帖行書 張橫浦書黃庭經小楷書

朱敦儒 已見

朱希真別後塵勞帖行草書

張網 已見

張彥正乞授封號帖行楷書

張浚

字德遠徽宗時進士官至尚書右僕射樞密使封魏國公贈太保加太師謚忠獻漢州綿竹人

張德遠辱手翰帖行書 張德遠談笑措置帖行書

張忠獻即日小雨帖行書 張魏公早上封事帖行書

張栻

字敬夫學者稱南軒先生浚子官至修文殿修撰謚曰宣漢州綿竹人

張敬夫寄劉公詩帖

張孝祥 已見

張安國闕徹帖行書

張于湖學富帖行書

張于湖臨存帖行書

張安國歲晏苦寒帖行書

龍大淵 官至總管

龍大淵歲華帖行楷書

王之望 字瞻叔紹興八年進士官至參知政事襄陽穀城人

王瞻叔即日薄寒帖行書

洪遵 字景嚴紹興十二年進士官至同知樞密院事資政殿學士謚文安饒州樂平人

洪景嚴睽遠許時帖行書

虞允文 已見

虞雍公鈞堂帖

虞彬甫適造帖行書

葉衡 字夢錫 紹興十八年進士官至右丞相兼樞密使 贈資政殿大學士 金華人

葉夢錫即日初冬帖行書

汪應辰 已見

汪聖錫中庸畢工帖行草書

胡銓 已見

胡邦衡台慈分賜劄子楷書

魯覲 字純甫號海野官至少保汴梁人

魯純甫惠誨帖行書

魯海野楓橋帖行書

王十朋 已見

王梅溪寵示室銘帖行書

劉芮 官至刑部

劉刑部和敬夫詩帖

王淮 已見

王季海上恩帖行書

范成大 已見

范至能垂誨帖草書 范至能玉候帖行楷書

范石湖金橘帖行書 范至能中流一壺帖行草書

范石湖春晚晴媚帖行草書

謝諤 已見

謝昌國傾耳剗切帖

朱熹 已見

徽國文公編輯文字帖 朱子畫寒詩卷

朱文公自書武彞九曲詩卷

朱文公與姪六十郎帖 朱文公城南詩卷

朱晦翁賜書帖行書 朱晦翁與時宰二手劄行書

吳琚 已見

吳居父觀李氏譜牒帖行書

吳獻惠題名帖行書 吳雲壑急足帖行書

楊萬里 已見

楊廷秀夏清和帖草書

陸游 已見

陸放翁書大聖樂詞草書 陸務觀長相思詞五闋

陸務觀拜違顏侍帖行草書

放翁與仲信明遠二帖行草書

陸放翁自得我心詩蹟行書

樓鑰 已見

樓大防梅天雨潤帖行書

真德秀 已見

真西山與王周卿手簡

洪咨夔

已見

洪聖俞道場詩并札卷行書

魏了翁

已見

魏鶴山遺陳深父子
魏華父昭代親友帖

喬行簡

字壽朋紹熙四年進士官至左丞相加少傅平章軍國重事封魯國公贈太師謚文惠婺

州東

陽人

喬壽朋恐勤帖行書

方岳

字巨山號秋厓官中祕書出守匡廬秀水二郡

方秋厓濫塵札

杜範

字成之一字儀夫號立齋嘉定元年進士官至右丞相贈少傅謚清獻黃岩人

杜丞相薦勤帖

吳文英

字君特號夢窗嘗從吳潛毅夫遊四明人

吳夢窓詞稿

張即之

已見

張樗寮書遺志覺上人金剛經并跋正書

張溫夫為母夫人書金剛經并跋

張溫夫從者來歸帖行草書 張溫夫書酒仙詩卷

張樗寮隸茗帖行書 張樗寮引年得謝帖行書

張溫夫溪莊帖行草書

趙孟堅

已見

趙子固題道場詩行書 趙彞齋梅竹譜卷行書

張叔夏

張叔夏過韓平原慶樂園賦高陽臺詞蹟

蕭迂民

蕭迂民與先之劄子行草書

杜良臣

已見

杜良臣勤願帖行楷書

陸秀夫

已見

陸君實羣玉帖行草書

文天祥

已見

文信國諸劄

文履善瑞陽帖小行草書

信國手書小青口詩卷

文丞相途中三詩并簡卷

原文

收柳女信痛割腸胃人誰無妻兒骨肉之情但
今日事到這裡於義當死乃是命也奈何奈何途
中有三詩今錄至言至於此淚下如雨

邳州哭母小祥

九月七日

我有母聖善鸞飛星一周去年哭海上今年哭邳
州遙想仲季間木主布筵几我躬已不閱祀事付

支子使我早淪落如此終天何及今畢親喪於分
亦已多母嘗教我忠我不違母志及泉會相見鬼
神共歡喜

過淮

北征垂半年依依只南土今晨渡淮河始覺非故
宇故鄉已無家三年一羈旅龍朔在何方乃我妻
子所昔也無奈何忽已置念慮今行日云近使我
淚如雨我為綱常謀有身不得願妻兮莫望夫子

今莫望父天長與地久此恨極千古來生業緣在
骨肉當如故

亂離歌六首

有妻有妻出糟糠自少結髮不下堂亂離中道逢
虎狼鳳飛翩翩失其凰將雛二三去何方何虞國
破家又亡不忍舍君羅襦裳天長地久遠茫茫牛
女夜夜遙相望嗚呼一歌兮歌正長悲風北來起
彷徨

有妹有妹家流離良人去後携諸兒北風吹沙塞
草萋窮猿慘澹將安歸去年哭母南海湄三男一
女同歔歔惟汝不在割我肌汝家零落母不知母
知豈有瞑目時嗚呼再歌兮歌恐悲脊鴿在原我
何為

有女有女婉清揚大者帖學臨鍾王小者讀字聲
琅琅朔風吹衣白日黃一雙素壁委道旁雁兒雁
兒秋無梁隨母北去誰人將嗚呼三歌兮歌愈傷

非為兒女哭淋浪

有子有子風骨殊釋氏抱送徐卿雛四月八日摩
尼珠榴花犀錢落繡襦蘭湯百沸香似酥歛隨飛
藿飄泥塗汝兄十三騎鯨魚汝今三歲知在無鳴
呼四歌兮歌以吁燈前老影明月孤

有妾有妾今何如大者手將玉蟾蜍次者親抱汗
血駒晨妝靚服臨西湖英英雁蕩飄瑤琚風花亂
墜鳥鳴呼金莖沆漉浮汙渠天摧地裂龍虎徂美

人塵土何代無嗚呼五歌兮歌鬱紆為爾迎風立
斯須

我生我生何不辰孤根不識桃李春天寒日短空
愁人北風吹隨缺馬塵初憐骨肉鍾竒禍如今骨
肉更憐我汝在空能攫我懷我死誰當收我骸人
生百年何醜好黃梁得喪俱草草嗚呼六歌兮勿
復道出門一笑天地老

一讀此詩便知老兄悲痛真切之情事至於此為

金定四庫全書
卷三百五十二
之奈何凡事只待千二哥至造物自有安排

一可將此詩呈嫂氏歸之天命仍語靚妝瑀英不
魯周旋得毋怨毋怨徐妳以下皆可道達吾此意
當此天翻地亂人人流落天數奈何奈何

一可令柳女環女好做人爹爹管不得淚下哽咽
哽咽

一此詩本仍可納之千二哥兄天祥家書達百五
賢妹

六藝之一錄卷三百五十二

禮記卷之四十四

六藝之一錄卷三百五十二